



ՌԱԶՄԱՎԱՐՈՒԹՅՈՒՆ

2014 – 2016թթ.

«Ապավեն համայնքներին» Բարեգործական
Հասարակական Կազմակերպություն

Բովանդակություն

Հապավումների ցանկ.....	3
Ռազմավարության անհրաժեշտությունը և նախադրյալները.....	4
Կազմակերպության առաքելությունը	5
Կազմակերպության տեսլականը.....	5
Կազմակերպության գլխավոր արժեքները.....	5
Ռազմավարության հիմնական նպատակային ուղղությունները և գերակա խնդիրները.....	6
Ռազմավարության խնդիրների իրականացման հիմնական մոտեցումները (մեթոդները, միջոցները).....	6
Ռազմավարության իրականացման կազմակերպական կարողությունները և ռեսուրսները	11
Մշտադիտարկումը և գնահատումը (ՄևԳ).....	12
Հաղորդակցությունը և լուսաբանումը.....	13
Ռազմավարության իրականացման ժամանակագրական ուրվագիծ.....	13
<i>Հավելված 1. - Նոր ռազմավարության իրականացման առումով «Ապավեն համայնքներին» բարեգործական հասարակական կազմակերպության կարողությունների (SWOT) վերլուծություն</i>	<i>14</i>
<i>Հավելված 2. - Մասնակից կողմերի՝ գործընկերների և դոնորների ներգրավում.....</i>	<i>17</i>
<i>Հավելված 3. - Ռազմավարության իրականացման ժամանակագրական ուրվագիծ.....</i>	<i>18</i>

Հապավումների ցանկ

ԱԱՊ – առողջության առաջնային պահպանում

ԱԻՆ - Արտակարգ իրավիճակների նախարարություն

ԱՀԿ - Առողջապահության համաշխարհային կազմակերպություն

ԱՄՆ ՄԶԳ – ԱՄՆ միջազգային զարգացման գործակալություն

ԱՆ - Առողջապահության նախարարություն

ԱՌՆ – աղետների ռիսկերի նվազեցում

ԱՌՆԱՊ - Աղետների ռիսկերի նվազեցման ազգային պլատֆորմ

ԵԿՄԱ - Երևանի կանանց միջազգային ասոցիացիա

ԲՀԿ - բարեգործական հասարակական կազմակերպություն

ԲՄԿ – բուժակ-մանկաբարձական կետ

ԸԻԿՀ- Ընդդեմ Իրավական Կամայականության Հիմնադրամ

ԾԻԳ – Ծրագրերի իրականացման գրասենյակ

ԿՓՀ – Կլիմայի փոփոխություններին հարմարվողականություն

ՀԵԿԱ- Հայաստանի Երիտասարդ Կանանց Ասոցիացիա

ՀԿ – Հասարակական կազմակերպություն

ՄԱԿ – Միավորված ազգերի կազմակերպություն

ՄնՄԱՊ – մոր և մանկան առողջության պահպանում

ՄնԳ – մշտադիտարկում և գնահատում

ՏԻՄ - Տեղական ինքնակառավարման մարմիններ

Ռազմավարության անհրաժեշտությունը և նախադրյալները

«Ապավեն Համայնքներին» բարեգործական հասարակական կազմակերպությունը (ԲՀԿ) հիմնադրվել 1999թ.-ի նոյեմբերին որպես իր անդամների շահերի ընդհանրության եւ կամավորության սկզբունքի հիման վրա հոգևոր և ոչ նյութական այլ պահանջմունքների բավարարման նպատակով ստեղծված հասարակական կազմակերպություն: Կազմակերպության առաքելությունն է աջակցել համայնքների զարգացմանը՝ նպատակ ունենալով հաղթահարել աղքատությունը և անհավասարությունը Հայաստանում:

Իր գոյության 14 տարիների ընթացքում կազմակերպությունն ակտիվ գործունեություն է ծավալել թիրախային համայնքներում կենսապահովման, նյութական և բարոյական աջակցության, բնակչության կենսամակարդակի բարձրացման ոլորտներում: Կազմակերպությունը մի շարք ծրագրեր է իրականացրել, որոնք, մասնավորապես, ուղղված են եղել.

- Սոցիալապես անապահով խավին նյութական և բարոյական աջակցություն ցուցաբերելուն՝ անկախ նրանց ազգությունից, սեռից, դավանանքից և հավատքից;
- ջրամատակարարման, կոյուղու, առողջապահական, կրթական, մասնագիտական ուսուցման համակարգերից և այլ հասարակական ծառայություններից օգտվելու հարցում կարիքավոր մարդկանց աջակցելուն;
- բնական և մարդածին աղետների կանխարգելմանը և հետևանքների վերացմանը նպաստող աշխատանքներ իրականացնելուն;
- սոցիալապես անապահով և կարիքավոր մարդկանց համար կայուն եկամուտների աղբյուրների ստեղծմանը;
- վերը նշված խնդիրների իրականացման համար բարեգործական այլ կազմակերպությունների և անհատների ջանքերի համախմբմանը:

Ի նկատի ունենալով կազմակերպության նախորդ՝ 2011-2013 թ.թ ռազմավարական պլանի ժամկետների ավարտը, և հաշվի առնելով կազմակերպության առաքելության շրջանակում դիտարկվող հասարակական, քաղաքական և սոցիալ-տնտեսական զարգացումները, հանրային առաջնահերթ կարիքների և դրանց բավարարման հնարավորությունների փոփոխությունները, ներկայում անհրաժեշտություն է առաջացել մշակել կազմակերպության գործունեության և զարգացման նոր միջնաժամկետ ռազմավարություն:

Առաջիկա երեք տարիների համար «Ապավեն Համայնքներին» ԲՀԿ գործունեության առաջնահերթ ոլորտների և խնդիրների քննարկման նպատակով 2013 թ. նոյեմբերին Երևանում հրավիրվել է երկօրյա աշխատաժողով «Ապավեն Համայնքներին» ԲՀԿ անդամների, գործընկերների, համագործակցող և

ներգրավված շահագրգիռ կազմակերպությունների ներկայացուցիչների մասնակցությամբ, որտեղ ուրվագծվել են նոր ռազմավարության հիմնական դրույթներն ու մոտեցումները:

Սույն ռազմավարությունը ներառում է նաև վերոհիշյալ աշխատաժողովի քննարկումների արդյունքում ընդհանուր առմամբ համաձայնեցված սկզբունքները, դրույթները և մոտեցումները, ինչը, մեր կարծիքով, բարձրացնում է ռազմավարության հաջող կենսագործման հավանականությունը:

Կազմակերպության առաքելությունը

«Ապավեն Համայնքներին» ԲՀԿ առաքելությունն է աջակցել համայնքների կայուն/շարունակական զարգացմանը՝ նպատակ ունենալով նպաստել Հայաստանում աղքատության և անհավասարության նվազեցմանը:

Կազմակերպության տեսլականը

Իր առաքելության կյանքի կոչման լույսի ներքո, «Ապավեն Համայնքներին» բարեգործական հասարակական կազմակերպությունը տեսանելի հեռանկարում ձգտում է լինել փոփոխության արդյունավետ գործակալ՝ Հայաստանում բարեկեցիկ, առողջ, ապահով և պատասխանատու համայնքների ձևավորմանը և կայացմանն աջակցող առաջատար, վստահելի և ճանաչված կազմակերպություն:

Կազմակերպության գլխավոր արժեքները

Որպես իր առաքելության և տեսլականի իրագործման հիմնական գրավական, «Ապավեն համայնքներին» բարեգործական հասարակական կազմակերպության անդամները որդեգրել և պահպանում են հավատամքի, կազմակերպական մշակույթի և վարքի այնպիսի գերակայություններ, ինչպիսիք են արհեստավարժությունը, օրինականությունը, սկզբունքայնությունը, նպատակասլացությունը և նվիրվածությունը գործին, օպերատիվությունը, պարտաճանաչությունը, իրատեսությունը և թափանցիկությունը գործընկերային փոխհարաբերություններում:

Ռազմավարության հիմնական նպատակային ուղղությունները և գերակա խնդիրները

Կազմակերպության առաքելությամբ սահմանված՝ համայնքների կայուն և շարունակական զարգացմանն աջակցելու նպատակով «Ապավեն Համայնքներին» բարեգործական հասարակական կազմակերպությունը առաջիկա երեք տարիների ընթացքում գործունեություն կծավալի հետևյալ **երկու հիմնական նպատակային ուղղություններով՝ դրանցում ներառելով ընդհանուր առմամբ հինգ գերակա խնդիրներ**, որոնք են՝.

1. Հանրային առողջապահություն,

Այդ շրջանակում ներառելով աջակցություն հետևյալ երեք գերակա խնդիրների լուծման համար.

- 1.1 Հանրային առողջապահություն արտակարգ իրավիճակներում
- 1.2 Որակյալ և մատչելի առողջապահական ծառայություններ համայնքների բնակչությանը
- 1.3 Առողջապահական խնդիրների (ներառյալ քաղաքականության) հետազոտություններ և քարոզչություն

2. Համայնքների ճկուն կենսապահովում,

այդ շրջանակում ներառելով աջակցություն հետևյալ երկու գերակա խնդիրների լուծման համար.

- 2.1 Աղետներին և կլիմայի փոփոխությունների հետևանքներին դիմակայելու առումով համայնքների պատրաստվածության բարձրացում
- 2.2 Համայնքների պլանային (ընթացիկ) կենսապահովման ծրագրեր

Ռազմավարության խնդիրների իրականացման հիմնական մոտեցումները (մեթոդները, միջոցները)

1. Հանրային առողջապահության ոլորտում դիտարկվող գերակա խնդիրների լուծմանն աջակցելու նպատակով ծրագրվում է իրականացնել հետևյալ աշխատանքները.

Խնդիր 1.1-Հանրային առողջապահություն արտակարգ իրավիճակներում

Նախատեսվող աշխատանքներ.

- Հնարավոր արտակարգ իրավիճակներում առավել հաճախ առաջացող առողջապահական խնդիրներին արձագանքելու՝ համայնքների բնակչության պատրաստվածությունը բարձրացնող աշխատանքներ, մասնավորապես, բնակչության կրթման և գործնական ուսուցման միջոցառումներ հետևյալ խնդիրների վերաբերյալ.
 - արտակարգ իրավիճակներում առաջին բուժօգնության ցուցաբերում,
 - արտակարգ իրավիճակներում համաճարակային վտանգների կանխում,
 - արտակարգ իրավիճակներում վերարտադրողական առողջության կարիքներին արձագանքում:
- Արտակարգ իրավիճակներում ծագած առողջապահական խնդիրների շուրջ համայնքների մոբիլիզացման աշխատանքներ, մասնավորապես՝
 - Աղետների ժամանակ առաջին անհետաձգելի բուժօգնության կազմակերպում,
 - Աղետների ժամանակ վերարտադրողական առողջության արտակարգ կարիքներին արձագանքման միջոցառումների կազմակերպում,
 - Աղետների ժամանակ համաճարակային վտանգների և վարակիչ հիվանդությունների կանխարգելման արտակարգ միջոցառումների կազմակերպում:
 - Աղետների ժամանակ խմելու ջրի ապահովման և հիգիենիկ-հակահամաճարակային միջոցառումների կազմակերպում:
- Արտակարգ իրավիճակներում ծագող հանրային առողջապահական խնդիրների վերաբերյալ համայնքների բնակչության իրազեկվածությունը բարձրացնող աշխատանքներ:

Խնդիր 1.2 Որակյալ և մատչելի առողջապահական ծառայություններ համայնքների բնակչությանը

Նախատեսվող աշխատանքներ.

- Համայնքների բնակչությանը առողջապահական ծառայություններ մատուցող բուժհաստատություններում (հիմնականում՝ ԲՄԿ-ներում, ԱԱՊ և ՄնՄԱՊ կենտրոններում)՝
 - կադրային ապահովվածության բարելավմանն աջակցող միջոցառումներ,
 - բուժաշխատողների մասնագիտական որակավորման բարձրացման կարիքների բավարարմանն աջակցող միջոցառումներ,
 - ղեկավարների կառավարման հմտությունների բարելավմանն աջակցող միջոցառումներ,
 - նյութա-տեխնիկական հագեցվածության բարելավմանն աջակցող միջոցառումներ,

- բուժօգնության որակի չափորոշիչների ներդրմանն աջակցող միջոցառումներ և դրանց կիրառման մոնիտորինգ,
- բնակչության սոցիալապես անապահով խմբերի համար բուժօժանայությունների և դեղորայքային ապահովման մատչելիության բարձրացմանն աջակցող միջոցառումներ,
- բնակչության սոցիալապես անապահով խմբերին հասցեական բուժօգնության, այդ թվում՝ վերականգնողական բուժօժանայությունների տրամադրմանն աջակցող միջոցառումներ,
- հիվանդությունների կանխարգելման աշխատանքների բարելավմանն աջակցող միջոցառումներ:

Խնդիր 1.3 - Առողջապահական խնդիրների (ներառյալ քաղաքականության) հետազոտություններ և քարոզչություն

Նախատեսվող աշխատանքներ.

- Բնակչության առողջապահական կրթման և իրազեկման աշխատանքներ, այդ թվում՝
 - Առողջ ապրելակերպի քարոզչությանն ու խթանմանն ուղղված միջոցառումներ,
 - Առողջապահական իրավունքների վերաբերյալ բնակչության իրազեկման և այդ իրավունքների պաշտպանության միջոցառումներ,
 - Բնակչության առողջապահական կրթման և իրազեկման նպատակով ժամանակակից տեղեկատվական և հաղորդակցության տեխնոլոգիաների կիրառումը խթանող միջոցառումներ:
- Առողջապահական քաղաքականության, օրենսդրական և ենթօրենսդրական կարգավորման, արդյունավետ կառավարման, ֆինանսավորման, չափորոշչավորման, տեղեկատվության համակարգերի, բժշկական ծառայությունների մատուցման, դեղաքաղաքականության և այլ ոլորտներում բարեփոխումների կարիքների գնահատման հետազոտությունների իրականացում և դրանց արդիական լուծումների ներդրման վերաբերյալ քարոզչություն՝ որոշում կայացնողների և հանրության շրջանում:
- Բուժաշխատողների իրավական և սոցիալական պաշտպանվածության բարելավմանն ուղղված քարոզչական աշխատանքներ:



Համայնքային առողջության առաջնային պահպանման ծրագիր

2. Համայնքների ճկուն և ենսապահովման ոլորտում դիտարկվող գերակա խնդիրների լուծմանն աջակցելու նպատակով ծրագրվում է իրականացնել հետևյալ աշխատանքները.

Խնդիր 2.1 -Աղետներին և կլիմայի փոփոխությունների հետևանքներին դիմակայելու առումով համայնքների պատրաստվածության բարձրացում

Հնարավոր արտակարգ իրավիճակներում աղետների ռիսկերի նվազեցման (ԱՌՆ) և կլիմայի փոփոխություններին հարմարվողականության (ԿՓՀ) խնդիրների շուրջ համայնքների մոբիլիզացման նպատակով նախատեսվող աշխատանքները կներառեն, մասնավորապես, հետևյալը.

- Աղետներին դիմակայելու առումով համայնքների կարողությունների, առկա ռեսուրսների, ուժեղ և թույլ կողմերի գնահատում
- Հնարավոր արտակարգ իրավիճակներում բնակչության առանձին խմբերի հատուկ կարիքների կանխատեսում, գնահատում, դրանց արձագանքման պլանավորում և այդ մասին բնակչության ուսուցում
- Հնարավոր աղետների ժամանակ համայնքների բնակչության իրազեկման պլանավորում և այդ պլանի իրականացմանն աջակցող միջոցառումներ
- Համայնքներում աղետների արձագանքման մասնագետների պատրաստման և աղետներին արձագանքող խմբերի ձևավորմանը, վերազինմանն ու ուժեղացմանն աջակցող միջոցառումներ
- Աղետների ռիսկերի նվազեցման (ԱՌՆ) մարզային թիմերի հզորացման և աղետների ռիսկերին արձագանքման համայնքային խմբերի հետ նրանց համագործակցության ուժեղացման միջոցառումներ
- Աղետների ռիսկերի նվազեցման վերաբերյալ համայնքների բնակչության ուսուցում և այդ գիտելիքների պրակտիկ կիրառումն ամրապնդող միջոցառումներ

- Ընտանիքներում արտակարգ իրավիճակներին պատրաստվածության բարձրացման միջոցառումներ, մասնավորապես, ԱՌՆ վերաբերյալ երեխաներին գիտելիքների տրամադրում, ընտանիքների տարհանման պլանների մշակում և ուսուցանում:
- Արտակարգ իրավիճակներում բնակչության հոգեբանական աջակցության պլանավորման և կազմակերպման աշխատանքներ
- Համայնքներում աղետների կանխարգելման փոքրածավալ շինարարական աշխատանքներ
- Մասնակցություն ազգային մակարդակում ԱՌՆ հարցերի առաջադրման և լրբինգի աշխատանքներին
- ԱՌՆ և ԿՓՀ առումներով հանրային իրազեկման և շահերի պաշտպանության աշխատանքներ՝ ԱՌՆ ազգային պլատֆորմի շրջանակներում տարբեր թեմատիկ խմբերում ներգրավման և քարոզչության ճանապարհով:



Աղետների ռիսկերի մասնակցային նվազեցման ծրագիր

Խնդիր 2.2 - Համայնքների պլանային կենսապահովման ծրագրեր

Նախատեսվող աշխատանքներ.

- Համայնքային ենթակառուցվածքների զարգացմանը, մասնավորապես, համայնքներում խմելու և ոռոգման ջրով ապահովելուն նպատակաուղղված փոքրածավալ աշխատանքներ
- Բնակչության զբաղվածության բարելավման, մասնավորապես, գյուղատնտեսական փոքր արտադրությունների կազմակերպման, գյուղական համայնքներում տուրիզմի և մշակույթի զարգացման միջոցառումներ
- Համայնքներում տեղեկատվության ժամանակակից միջոցների հասանելիության բարձրացմանն ուղղված միջոցառումներ
- Համայնքների բնապահպանական կարիքների գնահատման և համապատասխան արձագանքման միջոցառումներ



*Ջրամատակարարման և ջրահեռացման ծրագիր
«Ապավեն համայնքներին» ԲՀԿ-ն կարևորում է համայնքներում քաղաքացիական
հասարակության ակտիվացման աշխատանքները և ռազմավարական բոլոր
ուղղություններում նախատեսում է քաղաքացիական ինքնագիտակցության
բարձրացման և բնակչության շահերի պաշտպանության միջոցառումներ:*

Ռազմավարության իրականացման կազմակերպական կարողությունները և ռեսուրսները

Նոր ռազմավարության իրականացման առումով «Ապավեն համայնքներին» բարեգործական հասարակական կազմակերպության կարողությունների (SWOT) վերլուծությունը թույլ է տալիս արձանագրել կազմակերպության որոշակի ուժեղ և թույլ կողմերը, ինչպես նաև կազմակերպությունից դուրս առկա հնարավորություններն ու վտանգները (*տես Հավելված 1*), որոնք կարող են այս կամ այն չափով ազդել սույն ռազմավարության իրականացման ընթացքի վրա:

Այդ առումով կարևոր է դիտվում կազմակերպության աշխատակազմի կողմից այնպիսի անհրաժեշտ միջոցներ ձեռնարկելը, որոնք հնարավորություն կտան առավել արդյունավետ օգտագործել այդ գործոնների դրական ազդեցությունները և հնարավորինս չեզոքացնել կամ նվազեցնել բացասական ազդեցությունները:

Ֆինանսական ռեսուրսներ

Ռազմավարությամբ նախատեսվող գործունեության ֆինանսավորման հիմնական աղբյուրներն են լինելու.

- Կազմակերպության անդամներից հավաքագրվող անդամավճարները և
- Դոնոր կազմակերպություններից ակնկալվող դրամաշնորհները:

Նյութա-տեխնիկական ռեսուրսներ

Կազմակերպությունն ունի համագործակցող հինգ գրասենյակներ Երևանում և հանրապետության չորս մարզերում (Տավուշի մարզի Իջևան, Լոռու մարզի Ստեփանավան, Սյունիքի մարզի Կապան և Վայոց Ձորի մարզի Եղեգնաձոր քաղաքներում):

Կազմակերպության նյութատեխնիկական ներկայիս հագեցվածությունն ընդհանուր առմամբ գնահատվում է բավարար: Այդուհանդերձ, հաշվի առնելով գործունեության ընդլայնման նախատեսվող հնարավորությունները, կազմակերպությունն ունի գրասենյակային և համակարգչային տեխնիկայի լրացուցիչ հագեցման և տրանսպորտային միջոցների բարելավման/թարմացման կարիք:

Մարդկային ռեսուրսներ

Սույն ռազմավարությամբ նախատեսվող գործունեության ոլորտները և ծավալները նթադրում են կազմակերպության աշխատակազմի համալրման անհրաժեշտություն, այդ թվում՝

ա). Մշտական աշխատակիցներ.

- Ծրագրի օգնական
- Կենսապահովման հարցերով մասնագետ /փորձագետ

բ). Ժամանակավոր աշխատակիցներ՝ խորհրդատուներ.

- հոգեբան
- իրավախորհրդատու
- տեղեկատվական տեխնոլոգիաների մասնագետ
- հանրային կապերի մասնագետ

գ). Կամավորների, ինտերնների ներգրավում

Մասնակից կողմերի՝ գործընկերների և դոնորների ներգրավում

Ռազմավարության հիմնական ուղղություններով որոշակի խնդիրների իրականացման գործընթացներում ակնկալվում է մի շարք տեղական և միջազգային կազմակերպությունների ներգրավումը՝ որպես ներդրողներ, դոնորներ և/կամ գործընկեր կազմակերպություններ (*տես Հավելված 2*):

Մշտադիտարկումը և գնահատումը (ՄնԳ)

Ռազմավարության իրականացման մշտադիտարկումը և գնահատումը (ՄեԳ) կիրականացվի հետևյալ պարբերականությամբ.

- *Ընթացիկ ծրագրային* ՄեԳ-ներ՝ ըստ իրականացվող ծրագրերից և/կամ միջոցառումներից յուրաքանչյուրի համար սահմանված ժամանակացույցերի, ցուցանիշերի և չափորոշիչների:
- Ընդհանուր ռազմավարության *միջանկյալ պլանային* ՄեԳ՝ տարեկան մեկ անգամ, ռազմավարության առաջին և երկրորդ տարիների ավարտին:
- Ընդհանուր ռազմավարության *ամփոփիչ* ՄեԳ՝ ռազմավարության ժամկետի վերջին տարվա ավարտին:

Ռազմավարության ընդհանուր առաջընթացի միջանկյալ և ամփոփիչ մշտադիտարկումները և գնահատումները կիրականացվեն հրավիրված անկախ փորձագետների միջոցով:

Հաղորդակցությունը և լուսաբանումը


Ռազմավարության իրագործման ընթացքում կազմակերպության գործունեության լուսաբանումը և հանրության շրջանում այդ մասին տեղեկատվության տարածումը նախատեսվում է իրականացնել հետևյալ հիմնական ուղիներով.

- Կազմակերպության ինտերնետային կայքի միջոցով՝ ապահովելով վերջինիս կանոնավոր թարմացումը,
- Քաղաքացիական հասարակության տարբեր այանսներում և ցանցերում ներկայացվածության և ակտիվ մասնակցության միջոցով,
- Չանգվածային լրատվամիջոցների հետ ակտիվ՝ նախաձեռնող և հետևողական աշխատանքով,
- Այլ քարոզչական ակցիաների, ցուցահանդեսների, նորարական՝ ժամանակակից տեխնոլոգիաների կիրառմամբ իրականացվող տեղեկատվական-քարոզչական միջոցառումների և այլ միջոցներով:

Ռազմավարության իրականացման ժամանակագրական ուրվագիծ

Հաշվի առնելով ռազմավարության իրականացման համար անհրաժեշտ ռեսուրսների ապահովման հավանականության և կոնկրետ ժամկետների ճշգրիտ կանխատեսման դժվարությունները, ռազմավարության իրականացման ժամանակացույցը նախատեսվել է ընդհանուր ուրվագծի տեսքով՝ ի նկատի ունենալով ռեսուրսների հայթայթման հավանականության մոտավոր կանխատեսումները (*տես Հավելված 3*):

Հավելված 1. - Նոր ռազմավարության իրականացման առումով «Ապավեն համայնքներին» բարեգործական հասարակական կազմակերպության կարողությունների (SWOT) վերլուծություն



Ծանոթություն. – Գործունների դիմաց նշված թվերը ցույց են տալիս, թե վերլուծության մասնակիցների կարծիքով որքան մեծ է տվյալ գործունի հավանական ազդեցությունը ռազմավարության իրականացման վրա: Գնահատումը կատարվել է 10-բալանոց սանդղակով՝ ն՝ դրական (ուժեղ կողմերի և հնարավորությունների տեսանկյունից), և՛ բացասական (թույլ կողմերի և վտանգների տեսանկյունից) ազդեցությունների առումներով: 1բալլը=նվազագույն ազդեցություն, 10 բալլը= առավելագույն ազդեցություն:

1. Ներկայացված ազդեցություններ

1.1 Ուժեղ կողմերը

- Ու1 –Կազմակերպության փորձը - 9
- Ու2 –Աշխատակազմի արհեստավաժությունը – 9
- Ու3 –Նյութական և մարդկային ռեսուրսները – 7
- Ու4 –Ճանաչվածությունը հանրապետության մարզերում – 6
- Ու5 –Գործընկեր կազմակերպությունների հետ համագործակցությունը – 7
- Ու6 –Ներկայացված ազդեցության մշակույթ (OXFAM-ի աշխատանքի որդեգրում, թափանցիկություն, հաշվետվականություն, պատասխանատվություն, հաղորդակցություն, սովորելու պատրաստակամություն, քաղաքացիական ակտիվ դիրքորոշում) – 10
- Ու7 –Տեղեկատվական տեխնոլոգիաների ակտիվ կիրառումը – 6

1.2 Թույլ կողմերը

- Թ1 –Նյութական և մարդկային ռեսուրսները - 3
- Թ2 –Գործունեության հանրային լուսաբանումը -7
- Թ3 –Ֆինանսական ռեսուրսների սահմանափակությունը – 7
- Թ4 –Ֆինանսական անբավարար ինքնաբավությունը – 8
- Թ5 –Քաղաքացիական հասարակության հետ համագործակցությունը – 6
- Թ6--Կազմակերպության տեղեկատվության, գիտելիքների և փորձի փոխանցման անբավարար հնարավորությունները (կամավորների, երիտասարդ մասնագետների ընդգրկում) – 5
- Թ7 –Գործունեության աշխարհագրական ծածկույթի սահմանափակությունը – 5
- Թ8 –Աշխատակազմի կարողությունների զարգացման կարիքը - 8

2. Կազմակերպությունից դուրս

2.1. Հնարավորությունները

- Հ1-Այլ/ևոր կազմակերպությունների հետ համագործակցության ընդլայնման հնարավորություն– 6
- Հ2 –Գործունեության լուսաբանման լավացման հնարավորություն– 6

- Հ3 –Աջակցություն համայնքային՝ (ՏԻՄ) և տարածքային կառավարման մարմինների կողմից – 7
- Հ4 - Արտաքին/լրացուցիչ ֆինանսավորման հնարավորություններ(OXFAM, USAID, UNFPA, WB PIU) -8
- Հ5 –Միջազգային դոնոր կազմակերպությունների՝ տեղական ՀԿ-ների հետ անմիջականորեն աշխատելու միտում – 5
- Հ6 –Հայկական սփյուռքի աջակցություն – 1
- Հ7 –Առցանց ուսուցումների հնարավորություն - 9

2.2. Վտանգները

- Վ1-Ծրագրերի շարունակականության ապահովման պայմանների անբավարարություն– 10
- Վ2 - Տնտեսական-քաղաքական անկայունություն – 5
- Վ3 –Անձնակազմի արտագաղթի վտանգ – 5
- Վ4-Արտաքին/լրացուցիչ ֆինանսավորման անբավարարություն և/կամ դադարեցման վտանգ – 5
- Վ5 –Օրենսդրական աննպաստ փոփոխությունների հավանականություն – 5
- Վ6 –Քաղաքացիական հասարակության պասիվություն - 6

Հավելված 2. - Մասնակից կողմերի՝ գործընկերների և դոնորների ներգրավում

Ռազմավարության հիմնական ուղղություններով որոշակի խնդիրների իրականացման գործընթացներում ենթադրվում և ակնկալվում է հետևյալ **միջազգային դոնոր կազմակերպությունների** ներդրումները.

- OXFAM
- ԱՄՆ Միջազգային զարգացման գործակալություն
- Ուորլդ Վիժըն
- ՄԱԿ-ի մանկական հիմնադրամ
- ՄԱԿ-ի զարգացման ծրագրեր
- ՄԱԿ-ի բնակչության հիմնադրամ
- Համաշխարհային բանկի ԾԻԳ
- DFID/UKAID
- Բիլլ և Մելինդա Գեյթսերի հիմնադրամ
- Ջինիշյան հիշատակի հիմնադրամ
- Գեոթիմ ՓԲԸ
- Հայկական սփյուռքի այլ կազմակերպություններ

Ռազմավարության իրականացման ընթացքում որպես համագործակցող կողմեր նախատեսվում է հետևյալ **տեղական և միջազգային գործընկեր կազմակերպությունների** ներգրավումը.

- «Փրկենք երեխաներին» Հայաստան
- ԱՀԿ Առողջապահության համաշխարհային կազմակերպություն
- ԸԻԿՀ | Ընդդեմ Իրավական Կամայականության Հիմնադրամ
- ՀԵԿԱ | Հայաստանի Երիտասարդ Կանանց Ասոցիացիա
- ԵԿՄԱ / Երևանի կանանց միջազգային ասոցիացիա
- ԱՌՆԱՊ Աղետների ռիսկերի նվազեցման ազգային պլատֆորմ
- Տարածքային կառավարման մարմիններ (ՀՀ մարզպետարաններ)
- Տեղական ինքնակառավարման մարմիններ (ՏԻՄ)
- Առողջապահական կազմակերպություններ
- ՀՀ Առողջապահության նախարարություն (ԱՆ)
- ՀՀ Արտակարգ իրավիճակների նախարարություն (ԱԻՆ)

Հավելված 3. - Ռազմավարության իրականացման ժամանակագրական ուրվագիծ

		<i>Տարիներ</i>				2014				2015				2016			
		<i>Եռամսյակներ</i>				I	II	III	IV	I	II	III	IV	I	II	III	IV
1	Հանրային առողջապահություն																
1.1	Հանրային առողջապահություն արտակարգ իրավիճակներում																
1.2	Որակյալ և մատչելի առողջապահական ծառայություններ համայնքների բնակչությանը																
1.3	Առողջապահական խնդիրների (ներառյալ քաղաքականության) հետազոտություններ և քարոզչություն																
2	Համայնքների ճկուն կենսապահովում																
2.1	Աղետներին և կլիմայի փոփոխությունների հետևանքներին դիմակայելու առումով համայնքների պատրաստվածության աջակցում																
2.2	Համայնքների պլանային կենսապահովման ծրագրեր																
		<i>Եռամսյակներ</i>				I	II	III	IV	I	II	III	IV	I	II	III	IV
		<i>Տարիներ</i>				2014				2015				2016			



Պլանավորված (մեծ հավանականության) միջոցառումներ



Նախատեսվող (միջին հավանականության) միջոցառումներ՝ կախված ֆոնդահայթայթումից